



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vita Venerabilis Arnesti, (vulgò Ernesti) Primi
Archiepiscopi Pragensis**

Balbín, Bohuslav

Pragæ, 1664

VII. Humanæ Beatitudinis Radius Ex Gemma Fvlminea, Qvam Ceravniam
Appellant. Ven. Arn. S. Sedis Apostolicæ Legatvs.

urn:nbn:de:hbz:466:1-42763

VII. HUMANÆ BEATITUDINIS RADIUS

EX GEMMA FULMINEA, QVAM CERAVNIAM
APPELLANT.

VEN. ARN. S. SEDIS APOSTOLICÆ LEGATVS.

*Plin. lib. 37.
C. 9.**Ceraunia
gemma Le-
gationis A-
postolicæ
symbolum.**Seneca l. 2. qq.
Nat. 31. Forer.
disp. de signis.
Ihesi. 14.*

Gemma candida est *Ceraunia*, quæ fulgorem siderum rapit; imò fulmine nata est. Nam cùm saxa ferit fulmen, absit stūntque rupium particulæ, cœlesti hoc igne perustæ maturantur, pretiūmque & lucem acquirunt ab ictu, ut videatur in ijs animam fulmen accendere. Exsculpe igitur in hac *Gemma Fulmen*, atque inscribe: *Tardè ac utiliter tantum*. Fulminis hæc natura est, non concipi, nisi multis priùs exhalationibus venenatis ascendentibus. Quàm postea tardè nube cingitur; quàm tardè accenditur! quantum priùs minatur! ad sunt plerumque pluviae, & quasi Naturæ ipsius deprecantis fletus & lacrymæ, quibus sëpe placatum *Fulmen* extinguitur. Si tamen hoc fulmen feriat, utilitate fertur, & gemmas parit. Tale sapiens, non *brutum*, *Fulmen* VEN. Arnestus Sedis Apostolicæ Legatus, cuius etiam Clementiam & Fortitudinem oleum, quod è sepulchri marmore fluit, ostendit. Inscribe fulmini potius: *Tardè, sed bene*. Excommunicavit ille & feriit quondam *Ioannem Regem Bohemiae*, sed tam utiliter, ut ex lapide durrissimo gemmam lucentissimam redderet; adeoque *Rex* Sedi Apostolicæ supplicarer. Verum illud est, quod tradunt Philosophi, in venenatis corporibus serpentium, si fulmine tangantur, venenum omne consumi.

RADIVS LEGATIONIS APOSTOLICÆ, ET DE
CLEMENTIA AC FORTITUDINE VEN. ARN.*Clementia
naturalis
Principatus
signum: se-
veritas con-
tra violentię*

Antoninus Pius Imperator in nummis suis *Fulmen* sculpsit in *atoro*, quasi dormiret. Quid hæc imagine venustrius? Dorsum: se-miebat etiam apud Arnestum, sëvámque illam Potestatem severitas piebat Clementia. Stabat in conspectu erroribus humanis paratus & obvius, nihilque aliud Carolo suadebat, quàm ut eo regnante omnibus bene esset. Hic verus est omnis Principatus finis, Juvenalis canit;

Pro-

- - - Provincia cùm te
Rectorem accipiet, miserere inopum Sociorum,
Offa vides Regum vacuis exsucta medullis.

Justitia Principes constituit, Clementia confirmat. Maxima Principum fælicitas, posse servare. Nocere multi possunt, prodesse pauci. Mordere, invidere, beluarum est; servare, hominum. Hoc opus est *Magni Constantini*, hoc omnium Augustorum, hoc opus *Christi*, hoc ipsius *DEI*. Plura Clementiā quām severitate Principes perficiunt: oleum etiam vulnera mordet. In *Leonis* vestigio nunquam unguis videbis; nam cùm graditur, unguis, in vagina recondit. *Dormiat* igitur *Fulmen*, & utiliter tantum sœviat. Vbi Clementia non proficit, tum Cœli tumultus permittitur, tum minæ, tum corusca lux, tum incertus pavor mitendus. Datur significatio, ut fugiant à facie arcus; cùm unum ferit, pluribus parcit; solida querit Fulmen & conterit, cineribus semper ignoscit, omnes corrigit. Renovari post tempestatem Natura rerum videtur; cœlum serenius, aér purgator, aquæ fæliciores, atque, ut Græci vocant, *astrapæ*, terra fœcundiùs respirat. Rara nihilominus fulmina, &c, cùm tot influentias, tot imbræ, quibus *Jupiter in letam tellurem descendit*, Orbis noster sentiat, rariūs verberatur. Beneficia sœpe conferenda, offensiones & invidiosæ poenæ citò & semel expediendæ sunt. Qualis VEN. *Arnestus* in Clementia fuerit, jam antè diximus. Ea silegantur, meritò hunc ei *Ceraunia ac fulminis radium* deberi quisq; fatebitur.

VIII. HVMANÆ BEATITVDINIS RADIVS

EX GEMMA CARBVNCULO.

VEN. ARN. S. ROM. ECCLESIAE CARDINALIS.

Carbunculus gemma est igniti carbonis specie. Pingi igitur *Candelabrum* supra modium (ut ad Evangelicam parabolam alludatur) & in candelabro, Facis loco, gemmam *Carbunculum*, radios quaquaversum mittentem constitue. Forte

Hhh 3

aptius

Gemmarius in Encyclopaedia Naturae Scientiarum lib. 50 C. 4.